

2 Dimodi

Pol köp hain nibö u Dimodi nip kali kliš rika

1 ¹Yad Pol. God geia niñöm yad Krajs Jisas nip cig gem, kamiñ gisön nibö kamiñ pör midep hag la u udpin. Anig niñöm, God nipe ke hagö, Krajs Jisas manö aij ud arep bi nipe ap midpin.

²Ni midmagö yad Dimodi, nöp köp anibi kali kliš rikabin. Bapi God, Bi Kub hon Krajs Jisas, nöp mög niñmil, ud aij gimil, abad mid aij gilö me, ne agamij mid aij gimön.^a

God manö hagun u, nable gagnim

³Apis bac bi God nip wög gi midmidal rö u, yad u rö nöp gasi mihöp niñagem God nip nöp gasi niñem, wög nipe gimidin. Yad sidö añ sib añ añ God nip sabe gimidin u, yad pör nöp hib ne hagem, God nip aij a gabin.^b ⁴Miñöñ gina u niñöl gi midpin. Anib u, nöp am niñem, yad miñ miñ yabiñ ginabin.

⁵Ne gasi añi adö nöp niñmön Krajs Jisas nip niñ ud pidöñ gipan u, niñöl gi midpin. Napis Lois aip, name Yunis aip, Krajs Jisas nip niñ ud pidöñ gimil midmidil rö, ne u rö nöp nip niñ ud pidöñ gipan, a gi gasi niñbin.^c ⁶Ne Krajs Jisas nip niñ ud pidöñ gipan rö, yad nöp hagabin, ñimagö yad ud nabic adö ne u linö, God nöp nan aij ña u, gasi niñöl gi midmön. Nan nöp añ dañ midöp anibu, pu gaimön Miñöñ ginim.^d ⁷God nipe Ana nipe hanip ñö, piñiñ gagun; God Ana nipe gö, pidöñ halö midun, nibi bi gau kalip midmagö lun, gasi hañ romañ hon ke gasi göp adö u gagun, ginabun.^e

⁸Anib u, ne Bi Kub hon manö aij nipe hagmön, nable gagnim. Nibi bi gau kalip hañowañö hag ñimön. Yad Bi Kub manö aij nipe hag ñainö, yip nagilila u, nöp u rö nöp nable gagnim. Pen God nipe pidöñ nipe nöp ñöb

^a 1:2 Ap 16:11; 1Di 1:2 ^b 1:3 Ap 23:1 ^c 1:5 Ap 16:1 ^d 1:6 1Di 4:14 ^e 1:7 Ro 8:15

rö, Jisas manö aij u hag ñi ajmön. Anig gaimön, nöp gi najj gaiöl, gasi iru niñagmön. ⁹God hanip ud asik yuöm, nibi bi ul yad ke mideinabim, a ga. Hon nagı aij adö u arno niñöm God hanip udaga; nipe ke nöd anig ginabin, a ga rö, hanip nibi bi mög yabił niñöm uda. Ram minöñ hadame dagol gau gi laga ñin u, God nibi bi mög yabił niñöm, Krajs Jisas nibi bi gau kalip ud asik yunab, a göm gasi u niña.^f ¹⁰Pen miñi, God nibi bi mög yabił niñöb u, waiö niñbun. Krajs Jisas apöm, hanip nibi bi nan a göm uma u me, God hanip nibi bi magöñhalö mög yabił niñöb u, waiö niñbun. Krajs Jisas hanip nibi bi nan a göm ilön udöm uma u me, uri umeb magö u klö ap midagöp. Jisas anig geia u me, kamiñ midep magö u abe, pör pör midep magö u abe, hanip nibi bi waiö yamöb.^g

¹¹Manö aij anibu nibi bi gau magöñhalö niñlan, a göm, Krajs Jisas nipe ke yip hagajip, yad Jisas manö aij ud arep bi nipe ap midem, manö aij anibu nibi bi gau magöñhalö hag ñi aij gem, manö yuö u hag ñi aij gem, gipin.^h ¹²Jisas manö aij nipe u hag ñi ajainö u me, yip gi najj gilö, ulham midpin. Pen yad ana arö niñöl gi midagpin; yad gasi halö midpin. Bi niñ udpin u, Bi anibu hadö niñbin. Yad nip nan ñibin u, nipe nan anibu ud abad mid aij göm, gi dam dam, ñin hain u aunab.

¹³Manö hagnö niñban u, kabö göl nöp midöp, a gimön, nibi bi gau kalip hag ñimön. Anig gimön, Krajs Jisas nip niñ udöl gi, nibi bi gau kalip midmagö löl gi, gi midaimön. Krajs Jisas nip cig aij gipan u me, ne anig gimön rö löp. ¹⁴God nan aij ñimagö adö ne la u, ud aij gimön. Ana Ul hanip añ dañ midöp u, klö nipe nöp gi ñö, ud aij gimön.ⁱ

¹⁵Ne niñban, nibi bi Esia Propins nibö gau magöñhalö yip arö gila. Pigelas abe, Hemogenis abe, anig unbö rö nöp gilö. ¹⁶⁻¹⁷Bi Kub nipe Onesiporas nibi bi ram nipe gau mög niñöm ud aij ginim. Nihön ginig: nipe daun kub Rom ap mideia ñin u, nable udnabin, a göm, yip arö gaga. Yad aui nagı midpin, nipe ulham ulhai niñöm, apöm yip niña. Ñin iru nöp apöm niñaia, yip aij yabił ga. ¹⁸Anib u, ñin kub hain u, Bi Kub nipe Onesiporas nip mög niñöm ud aij ginim. Epesas midainö, yip ud aij göm nan ke ke nihön nihön iru nöp gi ñimidöp u, ne ke niñ aij gipan.

Jisas nip cig gun, ami bi nipe rö midaiun

2 ¹Pen ñi yad Dimodi. Ne Krajs Jisas nip hain geinabön u, nipe nöp mög niñöm ud aij ginab. Anib u, ne gasi añi nöp niñmön, klö gi midaimön. ²Manö aij nibi bi gau kalip pör hag ñimidin niñban u, nibi bi Krajs Jisas manö aij hain gıpal rimnap ulhai niñmön, hag ñi aij gimön; kale pen nibi bi ñi pai rimnap kalip hag ñi aij ginaböl.

³Krajs Jisas nip wög gıpun rö, nibi bi rimnap hanip gi najj gilö, ulham midpun. Ne u rö nöp, Jisas Krajs ami bi aij nipe midpan u me, yip u

^f 1:9 Ep 2:8-9; Dai 3:5 ^g 1:10 Hib 2:14 ^h 1:11 1Di 2:7 ⁱ 1:14 1Di 6:20

rö nöp ginaböl, a gimön, piñiñ gimön, nip arö gagmön; wög nipe u halöwaŭö gimön.^j

⁴Ami bi gau, bi kub kale u nip aij gañ, a göm, gasi añi u nöp niñbal. Nan höñ adö gau, a göm, gasi u niñagpal. ⁵Nibi bi resis gipal gau, bi resis abad midpal gau haggal haggal rö nöp göm, nan aij udpal.^k

⁶Pen nibi bi maj wög gipal gau, le ilön gipal rö, kale ke nöd ral niñjöl. Hainö nibi bi rimnap ral niñnaböl.^l ⁷Manö hagabin i, ne niñjöl gi midö, Bi Kub nöp gasi ñö, niñ aij ginabön.

⁸Jisas Krai nip gasi niñjöl gi midaimön. Depid ñi rikö, rik dam dapil göm, Jisas nip yag daula. Nipe umöm uraka. Jisas Krai manö aij hagabin u, manö anibu me u.^m ⁹Yad manö aij anibu hag ñainö, yip bi najj gep rö nagä lilo midpin. Pen God Manö u nagä midagöp.ⁿ ¹⁰Anib u, God nibi bi udnig gabin, a göm, niñ la gau, Krai Jisas kalip ud asik yuö, kale God aip mailö aij nipe halö pör pör nöp kamiñ midaiöl, a gem, nibi bi gau yip mulu lugö gi najj gaiöl, yad piñiñ gem arö gagnabin.

¹¹Manö böñ nöp niñ udep ap hagnig gabin:

Hon Jisas aip umno u me,
nipe aip pör pör nöp kamiñ mideinabun.^o

¹²Krai Jisas nip wög gaino,
nibi bi gau hanip mulu lugö gi najj gaiöl,
piñiñ gun arö gagnabun u,
nipe Kiñ midöm nibi bi gau abad mideinab ñin u,
hon nipe aip midun, u rö nöp nibi bi gau abad mideinabun.

Krai Jisas nip niñagpun, a ginabun u,
hanip u rö nöp, kalip niñagpin, a ginab.^p

¹³Pen Krai Jisas manö aij hagöp rö gagnabun u,
nipe manö aij nipe hagöp rö nöp ginab.
Nihön giniñ: Krai pör nöp manö niñö nöp hagöp;
manö niñö anibu arö ginim rö lagöp.^q

God wög hag la u, klö gimön gi aij gimön

¹⁴Manö kali kliñ rikabin anibi, nibi bi gau kalip pör pör hag ñi aij gimön hauŭ gagöl. God niñ midö niñjöl gi, nibi bi gau kalip hag aij gimön, kale manö magö adö u nöp pen pen hag amil apil gagöl; manö magö pen pen hagnaböl u, nan aij ap gagnab; nibi bi manö anibu niñnaböl gau kalip gi najj yabiñ ginab.^r ¹⁵Yad God nip wög gi aij gem, manö niñö nipe u kabö rö nöp hag ñi aij ginabin u, God yip aij a ginab, a gimön, gasi adö añi anibu nöp niñmön, klö gimön gi midaimön.^s ¹⁶God nip gasi niñagöm

^j 2:3 2Di 1:8 ^k 2:5 2Di 4:8 ^l 2:6 1Ko 9:7 ^m 2:8 1Ko 15:4; Ro 1:3 ⁿ 2:9 Ep 3:1,13;
Plp 1:12-14 ^o 2:11 2Ko 4:11 ^p 2:12 Mad 10:33 ^q 2:13 Ro 3:3-4; Dai 1:2 ^r 2:14 1Di 6:4;
Dai 3:9 ^s 2:15 1Di 4:6

manö yihariņ pör pör hag amil apil ginaböl u, ne aip hagagmön. Hag dam dapil göm, kale God Manö niņö u arö göm, milö gau arnaböl.^t 17Manö piral hag ñinaböl anibu, wös pro ap löm, mid damöm, hainö wös gisa kub yabił löp rö u ginab. Bi hag ñeb bi Haimenias aip, Pailidas aip, kale adö anibu gipil.^u 18Bi gau God Manö niņö u arö göm hagpal, “Hon hadö urakno; umun kauyaņ urakagnabun,” a gipal. Pen kale manö piral anibu haglö, nibi bi rimnap Jisas manö aij u hadö arö gipal.

19Pen God ram padö biniņ gi aij ga u pidöņ midöp. Padö aņ au kali kliñ rimnap midöp: “Bi Kub nipe nibi bi nipe ke niņöb.” Manö ap abe midöp: “Nibi bi kale Bi Kub nibi bi nipe midpun, a gipal gau, nagi naj adö u aragöl.”^v

20Pen ram kub yabił gau, kinaņ ke ke midöp. Kinaņ rimnap, gol aka silpa udöm gipal. Rimnap pen mab aka minöņ nöp udöm gipal. Rimnap udöm, nan pri wasö, nan aij aij gau nöp libal; pen rimnap nan yihariņ hałöwałö gau libal. 21Nibi bi Kraiś Jisas niņ udpal gau magöņhalö unbö rö nöp. Nibi bi an an nan pri nan hałöwałö gau asi masi ginaböl gau, kale nibi bi uł nipe ke midöm, wög aij nihön nihön mideinab gau kale miñ miñ göl gi ginaböl. Anib u, Bi Kub nibi bi uł nipe ke anib gau niņöm, kalip wög aij rimnap hag linab.

22Pen nibi praj bi praj rimnap gasi naj niņbal rö u niņagmön. Ne pen gi aij gimön, God hagöp rö nöp gimön, Kraiś Jisas manö aij nipe niņ udmön, nibi bi gau midmagö limön, kłö gimön gi dammön, bi agamij hain rikmön, gi midaimön. Nibi bi midmagö asiņ midagöp rö midöm Bi Kub nip sabe gipal gau aip jim ñöl midmön, hagajin adö anibu nöp gi midaimön.^w 23Pen manö yihariņ hag amil apil göm, pen pen hagpal gau, ne aip hagagmön. Nihön ginig: anig geinaböl u, hainö mulu lugö, kal juöm, manö naj hagöm, pen pen gasi naj niņnaböl.^x 24Nibi bi Bi Kub nip wög geinaböl gau, pen pen hagagöm, agamij midöm, nibi bi ud aij göm, hag ñi aij ginaböl. Kalip gi naj gilö, pen gi naj gagöl. 25Pen nibi bi rimnap manö kale udagaiöl, kale pen agamij hag ñi aij göl gi midlö, God nibi bi anib gau kalip gasi aij ñö, nan si nan naj gipal u nihön ginig anig gipun, a göm, ado gi nip lau adö apöm, manö niņö yuö yabił u niņ udöl rö löp. 26Anig göl agamij hag ñi aij göl gi midlö, gasi aij auö, Seden kalip pir pir alöm udö, kid nipe u midöm, manö piral nipe niņmidal u arö göm, mid aij ginaböl.

Ñin hain anibi nibi bi gi naj yabił ginaböl

3 1Pen ne niņban, ñin hain anibi nibi bi ułham mideinaböl.^y 2Kale hañ romaņ kale nöp gasi niņöm, ułpö kiłno kibap mani nöp

^t 2:16 1Di 4:7 ^u 2:17 1Di 1:20 ^v 2:19 Jon 10:14; 1Ko 8:3; Ais 52:11 ^w 2:22 1Di 6:11

^x 2:23 1Di 4:7 ^y 3:1 1Di 4:1

midmagö löm, hon nöp bi kub midpun, a göm, hib kale ke dap ranöm, nibi bi gau kalip hag juöm, nime nap bi kalip manö rib juöm, nibi bi kalip gi aij gipal gau kalip aij a göp hagagöm, God nip gasi niņagnaböl. ³Kale nibi bi rimnap midmagö lagöm, nibi bi kalip gi najj ginaböl u niņöm arö gagöm, nibi bi rimnap kalip manö najj manö piral hagöm, agamij hain rikagöm, kal najj yabił göm, nan nihön nihön aij midöp u niņlö, kalip mulu lugnab. ⁴Kale mumug niņöm, hałowałö gi najj göm, hon nöp nibi bi kub midpun a göm, hañ romanı hon ke aij ginim adö u nöp gun, miñ miñ gun, a göm, God nip midmagö lagnaböl. ⁵Hon nibi bi anib gau niņun, nibi bi God nip niņ udpal rö nöp gipal, a ginabun u pen God Ana nipe gö, pidön halö midun, God hagöp rö nöp gun, a göm, gasi u niņagnaböl. Nibi bi anib unbö rö gipal gau arö gimön, aip magum gagmön.^z

⁶Bi anib gau rö rimnap, agamij ram ram ułhai am niņ arlö niņöl gi, nibi gasi aij midagöp gau, kalip hag wiłai ram raul kale ud arlö, kale manö piral kalip hag ñailö, nibi anib gau böņ anib lau adö arnaböl. Nibi anib gau, nan si nan najj gipun gau pri u, aigöl gun łık gi yuun, mid aij gun, a göm, miņör kub yabił niņöm, gasi kub niņöl gi midpal. Pen midmagö kale piłu gö, gasi najj ke ke iru nöp am kalip ud daņ i göm, adan najj anib gau ud łip ginig gab. ⁷Nibi anib gau rö, manö gau nibö gau nibö niņnaböl u pen Krai Jisas manö aij u niņeinaböl u, u manö niņö me u, a göm, niņagnaböl. ⁸Pen bi Janis Jabris bi mihau Mosis manö haga u ji niņlö u rö, bi piral hagpal gau u rö nöp Krai Jisas manö niņö u ji niņbal. Kale gasi najj yabił nöp niņöm, Krai Jisas manö aij u ji niņbal rö, God kalip u rö nöp ji niņöb.^a ⁹Pen gipal adö anibu rapin gilö arnim rö lagöp. Janis Jabris bi mihau gi najj gilö, nibi bi waiö niņla rö u, nibi bi miñi anib unbö rö nöp manö piral hag ñibal gau u rö nöp waiö niņnaböl.

Jisas Krai manö aij u niņ ud aij gimön

¹⁰Pen yad aip midul, gasi adö añi nöp niņul, Jisas Krai manö aij u hag ñibin u abe, nagi aij adö yad gipin u abe, ne hadö niņ aij gimön anig unbö rö nöp gipan. Krai nip niņ ud pidön gem, wög nipe kłö yabił nöp göl gem, nibi bi gau kalip midmagö lem, miņör auö ułham midem arö gagpin u, ne niņban. ¹¹Krai manö aij hag ñainö yip gi najj gilö ułham midainö u, ne hadö niņban. Nibi bi daun kub Adiok, Aikoniam, Lisdra gau yip gi najj gilö gilö, ułham yabił midainö u pen Bi Kub yip ud kamiņ yua u, ne niņban.^b

¹²Nibi bi Krai Jisas nip cig göm, hagöp rö nöp ginig gaböl gau, kalip magöñhalö miņör ñilö, ułham mideinaböl.^c ¹³Pen nibi bi najj manö piral

^z 3:5 Mad 7:15,21; Dai 1:16 ^a 3:8 Eks 7:11 ^b 3:11 Ap 13:14-52; 14:5,8-20

^c 3:12 Mad 16:24; Jon 15:20; Ap 14:22

adö u nöp hag ñibal gau, naj yabił gilö gilö arö, kale nöd nibi bi naj midmidal rö wasö, hainö nibi bi naj unbö ke mideinaböl. Kale ke God adan aij u niñagöm, nibi bi rimnap kalip manö piral anibu hag ñilö, kale u rö nöp God adan aij u niñagnaböl.

¹⁴Pen ne ñi pro nöp midmön, nöp Krajs Jisas manö niñö u hag ñilö, niñmön böñ nöp niñ udpan manö aij u klö gimön, niñ udöl gi, hagöp rö nöp göl gi, gi midaimön. Hon nibi bi nöp manö aij u hag ñino niñna u, ne hadö niñban. ¹⁵Ne niñban, ñi pro yabił midaina ñin u, ne God Manö Uł u hadö niñna. Hon God Manö Uł u amgö li niñeinabun u, God Manö Uł u hanip gasi kid hiik niñeb magö anibu ñö, Krajs Jisas nip niñ udno hanip ud asiknab manö it u niñ aij ginabun. ¹⁶God Manö u magöñhalö, God nipe ke ake löm Ana nipe u pu ga. Anib u, God Manö u magöñhalö udun, nibi bi gau kalip hag ñun, nibi bi manö niñö arö gipal gau kalip rimid ukun, nibi bi gi naj gipal gau kalip hag gun, nibi bi kale, aigöl gun God Manö hagöp rö gun, a gi gasi niñbal gau, kalip hag ñi aij ginabun.^d ¹⁷Anig geinabun u, God nip wög gi ñeb nibi bi nipe gau, God Manö u niñ aij yabił göm, God kalip wög aij niñhön niñhön hag linab u, kale gasi niñ aij yabił göm, gi aij yabił ginaböl.

God Manö kabö göl u hag ñimön

4 ¹Nöp manö anibi yihariñ hagagabin. Krajs Jisas nibi bi gau magöñhalö Kiñ kale abad mideinabin, a göm, ado gi aueinab ñin u, nipe nibi bi kamiñ mideinaböl gau abe, nibi bi umla gau abe, nime ke ke linig gab. Anib u, God abe, Krajs Jisas abe niñmidlö niñöl gi, nöp manö anibi hagnig gabin. ²God Manö aij u hag ñimön. Nibi bi gau ñiñi linab aka ñiñi lagnab, a gimön, ji niñagmön; miñi udnaböl aka udagnaböl, gasi u niñagmön; klö gimön nöp God Manö aij u hag ñimön. Nibi bi gi naj gipal gau hag gimön, nibi bi manö niñö arö gipal gau rimid ukmön, nibi bi kale, aigöl gun God Manö hagöp rö gun, a gi gasi niñbal gau, kalip agamij hain rikmön hag ñi aij gimön, gimön. ³Niñhön ginig: ñin hain u, God Manö kabö göl u niñöm, udagnaböl; hag ñeb nibi bi iru nöp uł gi daulö, kale manö piral manö yihariñ yihariñ gasi kale ke aröp adö u nöp hag ñilö, kale niñöm miñ miñ göl gi udnaböl.^e ⁴God Manö niñö u arö göm, aiud yihariñ gau haglö, yijid niñnaböl.

⁵Pen ne ke, nan niñhön niñhön ginab u, gasi niñ aij göl gi midaimön. Miñör auainim, gasi iru niñagmön. Ne klö gimön, Krajs Jisas manö aij u nibi bi gau hag ñi ajmön. Ne God wög gi ñeb bi midpan u me, God nöp wög niñhön niñhön hag la u, magöñhalö gi dam dam arö, böñ nöp gi haknab.

Yad söl umnig gabin, a ga

⁶Yad Krajs wög nipe ginö, yip nagi lilö midnö midnö, miñi pak lino hagape nip lugnim, a göm, yip gaböl. Anib u, minöñ naböñ adö it i

^d 3:16 Ro 15:4 ^e 4:3 1Di 4:1

midpin i, arik arep ñin u söl auub.^f 7Yad klö gem, Seden aip pen pen gi damem, adan söl au hadö aubin. Yad klö gem, Krajs Jisas manö aij u nibi bi gau hag ñi dam dam arö, Krajs Jisas nip niñ udöl gi midem, wög yip haga u arö gagpin; haga rö nöp magöñhalö gipin.^g 8Nipe Bi Kub, nipe manö ud asik aij göm hagöp u me, nihön nihön gipin u niñ midöm, ñin kub nipe u auö, yip bi kamiñ aij yad, a ginab. Pen yad nöp wasö; nibi bi, Bi Kub aunab, a göm, aij gö niñöl gi abad midpal gau, kalip magöñhalö u rö nöp ginab.^h

⁹Dimodi. Adan midainim u, yad midpin i yijid aumön. ¹⁰Bi yad aip midmidun gau, miñi yad aip aui midagpal. Bi ne Demas, nan minöñ naböñ adö il i midmagö löm, yip böñ nöp arö göm, hadö daun kub Desalonaika ara. Bi yad Kresaj Galesia Propins ara. Daidas Dalmesia Propins ara.ⁱ ¹¹Bi añi Luk nöp yad aip midpul. Krajs Jisas nip wög gabin aui, Mak nipe gi ñi aij ginab. Anib u, ne Mak nip ammön ul gi dauö, yad aip midul, wög anibu gul. ¹²Dijikas nip hag yunö Epesas ara. ¹³Aunabön ñin u, daun kub Droas apön, kolsior milö yad u, bi ne Kapas ram ud linö u udmön daumön; adan midainim u, köp yad wam wam gi midöp gau magöñhalö udmön daumön; wasö u, köp kaj meme sipsip hañ hib halö kali kñiñ rikla gau nöp magöñhalö udmön daumön.^j

¹⁴Bi kapa wög göp Aleksada yip gi naj yabiñ ga. Yip ga anibu, God nip pen u rö nöp ginab.^k ¹⁵Krajs Jisas manö aij hagpun u, Aleksada nipe ji naj yabiñ ga u me, yip gi naj ga rö, nöp u rö nöp ginim rö löp u, niñ aij gimön.

¹⁶Yip nöd manö kub hagla ñin u, nibi bi ap yip jöl gau niñ midö manö kub hagagnö; kale magöñhalö yip arö gila. Pen God kalip gasi anibu niñöl gi midagainim. ¹⁷Yip manö kub hagla anibu, Bi Kub yip abad midö niñöl gi, manö aij nipe u nibi bi gau nibö iru nöp apöm mideila gau, kalip hałowatö hagainö niñla. Bi Kub gö, kaj laiön yip hau niñöl rö laga. ¹⁸Yad niñbin, Bi Kub yip abad midö, nan naj ap yip ginim rö lagnab; yip ud kamiñ yuöm, dam ram minöñ aij nipe kumi kabö adö lañ au ud arnab. Bi Kub anibu, hib nipe u pör pör nöp haglö adö arañ. Anib unbö rö aij.

Pol hagöp, “Kale midpim?” a göp

¹⁹Nibi ne Prisila abe, nugmul nipe Akwila abe, bi ne Onesiporas nibi bi ram nipe midpal gau abe kalip haggmön, Pol “Kale midpim?” a göp, a gimön.^l

²⁰Bi ne Erasdas aui auaga; midöp daun kub Korid u. Bi ne Dropimas nip nan gö, arik aunö daun kub Mailidas.^m

^f 4:6 Plp 2:17 ^g 4:7 1Di 6:12 ^h 4:8 1Ko 9:24-25 ⁱ 4:10-11 2Ko 8:23; Ap 15:37-39; Kol 4:14 ^j 4:13 Ap 20:6 ^k 4:14 1Di 1:20; Sam 62:12; Ro 2:6 ^l 4:19 Ap 18:2; 2Di 1:16-17
^m 4:20 Ap 19:22; 20:4; Ro 16:23

²¹Yigön kub auöp ñin u söl midöp rö, adan midainim u, yigön auagnab adö u yiñid aumön.

Pen Yubulas, Pudens, Lainas, Klodia, Krais Jisas nibi bi niŋe daun kub Rom i midpal gau magöñhalö nöŋ, “Ne midpan?” a gaböl.

²²Dimodi, Bi Kub nöŋ aip midainim.

God kalöp magöñhalö mög niñöm ud aij ginim.